

CD DI PLACENTERO RITMO Y CUERDE TA HOPI GUSTA NA CURAÇÃO



Momento cu Padrino Emile Kelkboom y Madrina Maybeline Arends Croes ta bautiza e CD den compania di Robert Jeand'or y demas integrantenan di Placentero. E bautismo aki a tuma lugar den Casi bari pinkpatio.

Despues di a produci un LP, dos cassette y varios cinta promocional entre nan e tan gusta cancion "PARANDA PLACENTERO", cual nan a cosecha hopi popularidad den fin di aña, awor e agrupacion criollo "Placentero Ritmo Y Cuerde" ta subi plaza cu los mas moderno esta cu un Compact Disc.

E CD aki ta representa

ocho piesa di cual dos di nan ta reproduccion y demas seis ta piesanan nobis nobis. 1. Sop'i bulado (tumba), 2. Grandeza di un pueblo (wals), 3. Ojos inocentenan (bolero), 4. Ayó Selené (merengue), 5. Fiesta Dushi (merengue), 6. Sin bo Amor (danza), 7. Perdoname (salsa), 8. Paranda Placentero (paranda).

Notable ta cu di e ocho piesanan aki e pilar di Placentero, Robert Maduro tin seis piesa riba su nomber como letra y composicion, cual dos di nan ta adapta. E venta di e CD aki ta bayendo hopi bon mes. Aunke cu e la yega den temporada di Carnaval, pero tog e pueblo di Aruba a sa di respalda e integrantenan di Placentero door

di cumpra e produccion aki.

Tur dia nos por scucha algun di e tremendo piesanan aki via nos radio-emisoranan, cual tin hitnan pega manera "Sop'i bulado y Ojos inocentenan". Tambe pa dia di himno y bandera nan tin un bunita wals riba e CD aki cual ta titula "Grandeza di un pueblo".

Ultimo informacionnan cu DEN AMBIENTE ta na altura ta cu e piesa "Sop'i bulado" ta pega formalmente na Curaçao, y te asta den e gran marcha di carnaval e piesa aki a wordo toca pa varios bandanan musical di Curaçao. Na Curaçao tambe e venta di e CD aki ta bayendo hopi bon. Perseverencia a percura pa Placentero Ritmo y Cuerde a obtene e tremendo logro aki, cual ta haci nan tambe e prome grupo criollo cu a sabi di produci un CD riba mercado.

Durante nan existencia nan a representa Aruba na Venezuela, Curaçao y Bonaire. Logronan di Placentero Ritmo y Cuerde ta e galardón "Mo Tito - Rufo Wever" na añanan 1984, 1985, 1986, 1990. Lo no ta un sorpresa si mayan nan ser premia atrobe, durante e entregamento di e galardón aki, cu lo bay tuma lugar na Sonesta Hotel & Casino, y lo ser

pasa vivo y directo via Tele Aruba.

DEN AMBIENTE ta hopi sigur cu na lo ser premia atrobe, debi pa nan fabuloso y exitoso presentacionan durante aña 1991. Usando e constelacion tipico, Placentero Ritmo y Cuerde a desarmola di un banda tipico pa un banda contemporaneo no solamente den tocamento di ritmonan di actualidad sino tambe den musicalisacion conforme bandanan grandi.

Musiconan cu a duna un man pa realisa e produccion aki, y cu nan kier gradici via e columna aki ta e maestronan Robert Jeand'or y Fio Wester, e gran tamborero Oscar Vidal, y tambe e gran maestro Emile Kelkboom. Pa tur e personanan cu ta desea un compact disc ainda, ta ser suplica pa tuma contacto cu e integrantenan mas pronto cu ta posibel, of cerca e manager Hemmy Croes na telefon 26005, of Robert Maduro na telefon 27379.

DEN AMBIENTE ta recomendar na tur hende pa cumpra e tremendo CD aki, pa asina tambe respalda nos artistanan local. Corda bon ta di nos nan ta!! Pabien Placentero Ritmo y Cuerde y cu boso keda persevera pa asina brinda nos pueblo e musica cu e ta gusta!

SORTEO DI CONCURSO GLORIA ESTEFAN




Ayeratardi dilanti varios testigo a tuma lugar e sacamento di e dos ganadornan di un ticket cada uno di \$45 pa bay presencia e super concierto di Gloria Estefan y Miami Sound Machine. Un calculacion haci di e formularionan ta indica cu mas di 300 y pico a ser ricibi. E sorteo a ser haci door di Cedrick Tilma y Eddy Peterson, den presencia di e colaborador di MUZVID, Nilton Lacle, y testigo Robby Burleson. Como fotografo tabata presente Lando Rafael. E ganadornan ta como lo siguiente: **Arien Kock** di Sportparkstraat 8 a gana 1 ticket. Tambe **Alberto Hernandez** di Kas di Paloma 25 a gana 1 ticket. E contesta pa e preguntanan di Gloria Estefan a worde bon contesta. Gloria ta originalmente di Cuba, y su esposo ta Emilio. El a cuminsa cu su gira mundial for di Miami, y e prome hit grandi di Miami Sound Machine ta Conga. Riba e potret aki por mira redactor di DIARIO despues cu el a caba di controla e prome formulario ganador, y por mira e boshi di formularionan riba e mesa. E resultadonan di encuesta lo worde hinca den un computer, pa asina analiza e contestanan pa bini cu un idea claro si juventud di Aruba kier MTV back riba pantayanan. E ganadornan por pasa cu identificacion entrante Dialuna merdia na Oficina di DIARIO pa reclama nan ticket.

Pa
cualquier ocasion
**ABSOLUT
VODKA**
ta e bebida preferi



Agente exclusivo:
LICORES ARUBA

E bebida
yen di energia
pa grandi
y chiquito



Agente:
LICORES ARUBA N.V.